

ÁRSSKÝRSLA 2023

Starfsáætlun 2024

FRÆÐSLUMIÐSTÖÐ
VESTFJARÐA



Fræðslumiðstöð Vestfjarða
Miðstöð símenntunar á Vestfjörðum

Fræðslumiðstöð Vestfjarða
Kennitala 511199-2049
Suðurgata 12, 400 Ísafjörður
Heimasíða frmst.is
Netfang frmst@frmst.is
Ársskýrsla 2023 og starfsáætlun 2024

Ágúst 2024

Efnisyfirlit

Fræðslumiðstöð Vestfjarða.....	4
Fulltrúaráð og stjórn Fræðslumiðstöðvar Vestfjarða árið 2023	5
Fulltrúar Fræðslumiðstöðvar í öðrum stofnunum	6
Starfsfólk Fræðslumiðstöðvar Vestfjarða árið 2023.....	6
Kennarar og leiðbeinendur	6
Starfsstöðvar og starfsaðstaða.....	7
Rekstur Fræðslumiðstöðvar Vestfjarða.....	7
Formlegir samstarfsaðilar	7
Námið	10
Náms- og starfsráðgjöf/hvatningarviðtöl	15
Raunfærnimat.....	16
Þjónusta við atvinnulíf og skóla.....	17
Samstarf við stéttarfélög og starfsmenntasjóði	18
Þróunarverkefni - samstarfsverkefni.....	18
Samstarf símenntunarmiðstöðva og fullorðinsfræðsluaðila	19
Gæðavottun.....	19
Starfsáætlun fyrir árið 2024.....	21
Fjárhagsáætlun 2024	24
Lokaorð.....	25
Viðauki – Gröf með upplýsingum úr starfseminni.....	26

Fræðslumiðstöð Vestfjarða

Hér gefur að líta 24. ársskýrslu Fræðslumiðstöðvar Vestfjarða og er henni ætlað að lýsa starfsemi og verkefnum miðstöðvarinnar árið 2023. Einnig fylgir starfsáætlun og fjárhagsáætlun fyrir árið 2024.

Fræðslumiðstöð Vestfjarða er sjálfseignarstofnun sem hefur það markmið að efla menntun á Vestfjörðum og þá einkum að standa fyrir fræðslustarfsemi sem ekki heyrir undir námskrárbundið nám á grunn- og framhaldsskólastigi, nema sérstaklega verði um það samið. Í þessu sambandi skulu þarfir atvinnulífs og íbúa sérstaklega hafðar í huga. Lögð skal áhersla á að sem flestir íbúar Vestfjarða hafi aðgang að þjónustu Fræðslumiðstöðvarinnar óháð búsetu. Fræðslumiðstöðin hafi enn fremur forgöngu um fjarkennslu á sem flestum sviðum.

Helstu verkefni Fræðslumiðstöðvar Vestfjarða:

- Skipulagning og umsjón með námsleiðum Fræðslumiðstöðvar atvinnulífsins
- Skipulagning og umsjón með íslenskunámskeiðum
- Skipulagning og umsjón með almennum námskeiðum
- Raunfærnimat
- Náms- og starfsráðgjöf
- Hvatningarviðtöl
- Fræðslustjóri að láni ásamt fræðsluáætlun
- Upplýsingamiðlun
- Nemendabókhald
- Afgreiðsla og bókhald
- Próftaka háskólanema og annarra á Ísafirði, Hólmavík og Patreksfirði

Fulltrúaráð og stjórn Fræðslumiðstöðvar Vestfjarða árið 2023

Við Fræðslumiðstöðina er starfrækt fulltrúaráð, skipað einum fulltrúa frá hverjum stofnaðila og einum til vara. Fulltrúaráðið er æðsta stjórn miðstöðvarinnar. Hlutverk þess er að ákveða meginþætti í stefnu og starfstilhögun Fræðslumiðstöðvar Vestfjarða.

Fulltrúaráð Fræðslumiðstöðvar Vestfjarða er þannig skipað í lok árs 2023:

Stofnun/samtök	Aðalfulltrúi	Varafultrúi
Byggðasamlag Vestfjarða um málefni fatlaðs fólks	Aðalsteinn Óskarsson	
Kjölur (áður FosVest)	Ragnheiður Ása Ingvarsdóttir	Pórunn Sunneva Pétursdóttir
Fjórðungssamband Vestfirðinga	Dagbjört Hjaltadóttir	Hrafnhildur Guðbjörnsdóttir
Menntaskólinn á Ísafirði	Heiðrún Tryggvadóttir	Dóróthea M. Einarsdóttir
Náttúrustofa Vestfjarða	Sigurður Halldór Árnason	Hulda Birna Albertsdóttir
Útvegsmannafélag Vestfjarða	Einar Valur Kristjánsson - varaformaður fulltrúaráðs	Kristján G. Jóakimsson
Verkalýðsfélag Vestfirðinga	Guðrún Sigríður Matthíasdóttir	Margrét Jóhanna Birkisdóttir
Vestfjarðastofa	Sigríður Kristjánsdóttir	Aðalsteinn Óskarsson
Vinnuveitendafélag Vestfjarða	Kristján G. Jóhannsson - formaður fulltrúaráðs	Sigurður Viggósson

Stjórn Fræðslumiðstöðvar Vestfjarða er skipuð fimm fulltrúum. Þrjú aðalfulltrúar og þrjú til vara eru kosnir á aðalfundi fulltrúaráðs, einn aðalfulltrúi og einn til vara eru tilnefndir af skólanefnd Menntaskólans á Ísafirði og þá á formaður fulltrúaráðs sjálfkrafa setu í stjórn og er varaformaður fulltrúaráðs varamaður hans. Stjórnin skiptir með sér verkum.

Stjórn Fræðslumiðstöðvar Vestfjarða skipa nú:

- Ragnheiður Ása Ingvarsdóttir, formaður, Kjölur stéttarfélag
- Arnheiður Jónsdóttir
- Heiðrún Tryggvadóttir, Menntaskólinn á Ísafirði
- Kristján G. Jóhannsson, Vinnuveitendafélag Vestfjarða, formaður fulltrúaráðs
- Sigurður Halldór Árnason, Náttúrustofa Vestfjarða

Varamenn stjórnar:

- Aðalsteinn Óskarsson, Byggðasamlagi Vestfjarða um málefni fatlaðs fólks
- Dóróthea Margrét Einarsdóttir, Menntaskólinn á Ísafirði
- Einar Valur Kristjánsson, Útvegsmannafélagi Vestfjarða, varaformaður fulltrúaráðs
- Guðrún Sigríður Matthíasdóttir, Verkalýðsfélagi Vestfirðinga
- Margrét Birkisdóttir, Verkalýðsfélag Vestfirðinga

Á milli aðalfunda hélt stjórnin þrjú bókaða fundi. Formaður stjórnar og formaður fulltrúaráðs voru í tíðari samskiptum við forstöðumann.

Fulltrúar Fræðslumiðstöðvar í öðrum stofnunum

Fræðslumiðstöð Vestfjarða á aðild að Háskólasetri Vestfjarða, Vestfjarðastofu og Starfsendurhæfingu Vestfjarða. Eftirtaldir eru fulltrúar miðstöðvarinnar á aðalfundum/ársfundum þessara aðila:

Háskólasetur Vestfjarða: Aðalmaður Dagný Sveinbjörnsdóttir, varamaður Sædis María Jónatansdóttir.

Vestfjarðastofa: Aðalmaður: Sædis María Jónatansdóttir, varamaður Dagný Sveinbjörnsdóttir.

Starfsendurhæfing Vestfjarða: Aðalmaður Sædis María Jónatansdóttir, varamaður Barbara Gunnlaugsson.

Starfsfólk Fræðslumiðstöðvar Vestfjarða árið 2023

Í byrjun árs voru 4,65 stöðugildi hjá Fræðslumiðstöð Vestfjarða en í lok árs voru stöðugildin 4,15. Á árinu urðu þær breytingar að Davíð Rúnar Gunnarsson, verkefnastjóri í Vesturbyggð og Tálknafirði hætti störfum sumarið 2023 en hann var í 50% starfshlutfalli. Undir lok árs var auglýst eftir starfsmanni á Patreksfirði sem mun hefja störf snemma árs 2024.

Í lok árs 2023 störfuðu hjá Fræðslumiðstöð Vestfjarða:



Andrea Gylfadóttir,
verkefnastjóri, 60% starf.



Barbara Maria Gunnlaugsson,
verkefnastjóri, 80% starf.



Dagný Sveinbjörnsdóttir,
verkefnastjóri, 50% starf.



Elzibeta Pawluczuk,
ræsting, 25% starfl.



Helga Konráðsdóttir,
náms- og starfsráðgjafi, 50%
starf.



Sólveig Bessa Magnúsdóttir,
verkefnastjóri, 50% starf.



Sædis María Jónatansdóttir,
forstöðumaður, 100% starf.

Stór hluti af starfsemi Fræðslumiðstöðvar Vestfjarða byggist á vinnu verktaka sem sjá um kennslu námskeiða og námsleiða. Verktakar sjá líka um að vera matsaðilar í raunfærnimati.

Fræðslumiðstöðin leggur mikla áherslu á að þau sem kenna séu sérfræðingar á sínu sviði. Þótt miðstöðin sækji kennara út fyrir svæðið þá er lagt mikið upp úr því að fá kennara sem búa á Vestfjörðum. Með því er verið að nýta þá þekkingu sem til er á svæðinu, byggja upp reynslu og skapa atvinnu.

Árið 2023 voru verktakar vegna kennslu hjá miðstöðinni 55 talsins og voru rúmlega 60% þeirra búsettir á Vestfjörðum.

Starfsstöðvar og starfsaðstaða

Fræðslumiðstöð Vestfjarða var um langan tíma verið með starfsstöðvar á þremur stöðum á Vestfjörðum, Ísafirði, Hólmavík og Patreksfirði. Frá hausti 2021 hefur miðstöðin hins vegar ekki haft fast aðsetur á Hólmavík en verið í góðu samstarfi við Strandabyggð, aðallega vegna próftöku.

Ísafjörður

Miðstöðin leigir rúmlega 300 fermetra húsnæði af Vestra ehf. á 1. hæð að Suðurgötu 12. Aðstaðan samanstendur af tveimur kennslustofum, þremur skrifstofurýmum, fundarherbergi og sameiginlegu rými. Þegar á þarf að halda hefur Fræðslumiðstöð getað leitað til Háskólaseturs Vestfjarða með auka kennslustofur. Fræðslumiðstöðin hefur fengið aðstöðu hjá Menntaskólanum á Ísafirði fyrir verklega hluta vélgæslunáms og hjá Grunnskólanum á Ísafirði fyrir kennslu á matreiðslunámskeiðum.

Patreksfjörður

Á Patreksfirði er Fræðslumiðstöðin með aðstöðu í þekkingarsetrinu SKOR. Í SKOR er námskeiðsaðstaða fyrir litla hópa og aðstaða til að taka próf hvort sem eru háskólapróf eða framhaldsskólapróf. Þegar upp koma verkefni fyrir stærri hópa hafa húsnæðismál verið leyst með öðrum hætti. Áform eru um að miðstöðin flytjist í Vatneyrarbúð á nýju ári ásamt öðrum stofnunum sem nú hafa aðstöðu í SKOR.

Rekstur Fræðslumiðstöðvar Vestfjarða

Árið 2023 var rekstur Fræðslumiðstöðvar Vestfjarða jákvæður um kr. 16.796.213,-. Auk hefðbundinna verkefna var áfram unnið að rafrænu bókhaldi og innleiðingu á Office 365 en því ferli en nú lokið. Keypt voru ný kennsluborð í húsnæðið á Ísafirði og áform eru um að halda áfram endurnýjun á húsbúnaði og innviðum.

Formlegir samstarfsaðilar

Félags- og vinnumarkaðsráðuneyti

Símenntunarstöðvarnar voru færðar undir nýtt ráðuneyti, þ.e. frá menntamálaráðuneytinu til félags- og vinnumarkaðsráðuneytisins. Fræðslumiðstöð Vestfjarða og félags- og vinnumarkaðsráðuneytið gerðu með sér samning þann 1. janúar 2022 sem gildi til 31. desember 2023. Samningurinn var framlengdur með viðauka til 31. desember 2024. Í samningnum er kveðið á um þá þjónustu sem Fræðslumiðstöðin á að veita. Þar segir:

Fræðslumiðstöðin mun vinna að markmiðum framhaldsfræðslulaga nr. 27/2010 með því að reka miðstöð framhaldsfræðslu á Vestfjörðum; greina þarfir fyrir fræðslu og bjóða upp á ráðgjöf, raunfærnimat og námskeið fyrir markhópa laganna þ.á.m. bjóða fólki með erlend móðurmál íslenskukennslu. Námsþjónusta, sem skilgreind er í lögum um framhaldsfræðslu, skal veitt og þróuð í samstarfi, meðal annars við Fræðslumiðstöð atvinnulífsins, Fræðslusjóð og aðra hlutaðeigandi aðila. Fræðslumiðstöðin skal vera með fjarnáms- og kennsluaðstöðu á Vestfjörðum vegna framhaldsfræðslu og veita nemum á öðrum skólastigum þjónustu eftir því sem þörf er á og fjárhagur leyfir.

Úthlutun til Fræðslumiðstöðvarinnar á fjárlögum ársins 2023 voru 29,2 milljónir.

Fræðslumiðstöð atvinnulífsins – Fræðslusjóður

Fræðslumiðstöð atvinnulífsins (FA) er einkahlutafélag í eigu Alþýðusambands Íslands, Samtaka atvinnulífsins, BSRB, fjármála- og efnahagsráðuneytis og Sambands íslenskra sveitarfélaga. FA er með þjónustusamning við félags- og vinnumarkaðsráðuneytið annars vegar og símenntunarmiðstöðvarnar hins vegar.

Fræðslusjóður ráðstafar þeim framlögum sem Alþingi ákveður í fjárlögum hverju sinni. Úthlutanir Fræðslusjóðs greinast í meginatriðum í þrennt samkvæmt úthlutunarreglum sem ráðherra staðfestir:

- framlög til fræðsluaðila til að mæta kostnaði við kennslu og námskeiðahald
- framlög til að mæta kostnaði við raunfærnimat og náms- og starfsráðgjöf
- styrkveitingar til nýsköpunar- og þróunarverkefna í framhaldsfræðslu.

Fræðslumiðstöð Vestfjarða sækir á hverju ári um úthlutun úr sjóðnum. Fyrir árið 2023 fengust rúmar 20,1 milljón til kennslu vottaðra námsleiða, rúmar 5,5 milljónir í raunfærnimat og rétt um 6 milljónir til náms- og starfsráðgjafar. Heilt yfir gengu verkefni ársins vel en hluti fjármagns vegna raunfærnimats var flutt til næsta árs eða um 3 milljónir.

Rannís vegna íslenskukennslu

Fræðslumiðstöðin hefur á hverju ári sótt um og gert samning við Rannís um styrki til íslenskukennslu fyrir fólk af erlendum uppruna. Árið 2023 hljóðaði framlagið upp á 5,4 kr. vegna 36 námskeiða. Íslenskunámskeiðin gengu vel og áhrif frá verkefninu *Gefum íslensku séns* eru jákvæð og góð viðbót við námskeiðin.

Háskólaþing Vestfjarða

Fræðslumiðstöð Vestfjarða og Háskólaþing Vestfjarða hafa lengi verið með samning sín á milli þess efnis að miðstöðin sjáum um framkvæmd prófatöku á Patreksfirði og Hólmavík fyrir háskólana í landinu. Fá árinu 2022 hefur starfsfólk Fræðslumiðstöðvarinnar einnig séð að hluta til um yfirsetu prófa á Ísafirði. Árið 2023 sá Fræðslumiðstöðin um próftöku alls 150 einstaklinga fyrir Háskólaþing. Þá hafa Fræðslumiðstöðin og Háskólaþing haft samvinnu sín á milli varðandi kennsluhúsnæði þegar önnur hvor stofnunin þarf auka kennslurými.

Fjölmennt

Fræðslumiðstöðin er með þjónustusamning við Fjölmennt – símenntunar og þekkingarmiðstöð um sí- og endurmenntun fyrir fólk með fötlun, 20 ára og eldra og hefur sá samningur verið endurnýjaður árlega. Í samningnum er kveðið á um að Fræðslumiðstöðin skuli bjóða upp á fjölbreytt námstækifæri

fyrir fólk með fötlun á Vestfjörðum. Framlög til námskeiðahalds voru 3 milljónir á árinu 2023 og voru 15 námskeið/hópar.

Rauði krossinn á Ísafirði

Fræðslumiðstöðin og deild Rauða krossins á Ísafirði hafa um langt skeið verið með samning sín á milli um skyndihjálparnámskeið á þann hátt að miðstöðin sér um utanumhald en Rauði krossinn leggur til kennara og búnað.

Starfsendurhæfing Vestfjarða

Gott samstarf er við Starfsendurhæfinguna, en einstaklingar sem eru í þjónustu þar geta sótt stök námskeið og náms- og starfsráðgjöf hjá Fræðslumiðstöðinni og einnig raunfærnimat eftir því sem við á. Þá hefur námsleiðin *Uppleið* verið hluti að haustdagskrá Starfsendurhæfingarinnar en í henni felst fræðsla í hugrænni atferlismeðferð. Námsleiðin hefur verið kennd á íslensku og pólsku.

Námið

Fjöldi námskeiða, þátttakendur, nemendastundir, staðsetning námskeiða og búseta

Fræðslumiðstöð Vestfjarða býður upp á fjölbreytt nám bæði að innihaldi og lengd. Náminu er skipt í vottaðar námsleiðir frá Fræðslumiðstöð atvinnulífsins, íslensku fyrir útlendinga, réttindanám, almenn námskeið (bæði starfstengd og ætluð til eflingar á persónulegri færni) og nám fyrir fólk með fötlun. Námskeiðin eru allt frá 1-2 klukkustunda fyrirlestur eða örnámskeiðum upp í tæplega 400 kennslustunda nám. Fjallað er stuttlega um hvern flokk síðar í þessari samantekt auk þess sem finna má gröf með nánari upplýsingum í viðauka.

Árið 2023 stóð miðstöðin fyrir 103 námskeiðum. Þetta er nokkur fækkun frá síðasta ári þegar námskeiðin voru 123. Alls voru 958 þátttakendur sem sóttu nám hjá miðstöðinni sem er töluverð fækkun miðað við undanfarin ár. Samdráttinn milli ára má að miklu leyti skýra með mikilli fækkun almennra námskeiða.

Nemendastundir hjá Fræðslumiðstöðinni árið 2023 voru alls 41.840 samanborið við 40.245 árið á undan. Nemendastundir eru mælikvarði á umfangi fræðslustarfs en þar er búið að margfalda fjölda nemenda á hverju námskeiði með fjölda kenndra kennslustunda á sama námskeiði. Fjölgun nemendastunda á milli ára gefur til kynna að umfang kennslunnar hefur ekki dregist saman þótt bæði námskeiðum og þátttakendum hafi fækkað. Nánar er fjallað um nemendastundir í einstökum flokkum hér á eftir.

Námskeiðsflokkar	Fjöldi námskeiða	Fjöldi þátttakenda	Fjöldi nemendastunda
Almenn námskeið	27	311	2.709
Réttindanám	15	154	17.829
Íslenska fyrir útlendinga	36	340	10.200
Vottað nám	10	88	10.332
Nám fyrir fólk með fötlun	15	65	770
Samtals	103	958	41.840

Fræðslumiðstöðin hefur það að markmiði að bjóða upp á nám sem víðast og aðgengilegt sem flestum óháð búsetu. Undanfarin ár hefur verið lögð áhersla á að auka framboð af fjarnámi og jafnframt bjóða upp á fjaraðgang að staðkenndum námskeiðum þegar þess er kostur. Þótt fjöldi námskeiða og þátttakenda sé enn lang mestur á norðanverðum Vestfjörðum þá er svo komið að flestar nemendastundir eru í fjarkenndum námskeiðum. Það skýrist að stórum hluta af því að smáskipanám, sem er fjarkennt, er bæði mjög langt og með góða aðsókn en einnig skipta fjarkennd íslenskunámskeið og að einhverju leyti námsleiðir máli í þessu sambandi.


Námsleiðir	Fjöldi námskeiða	Fjöldi þátttakenda	Fjöldi nemendastunda
Norðanverðir Vestfirðir	59	558	12.587
Sunnanverðir Vestfirðir	2	14	252
Reykhólar og Strandir	2	14	91
Fjarkennt	37	344	27.494
Fjarkennt og staðkennt*	3	28	1.416
Samtals	103	958	41.840

*Nám þar sem hluti nemenda er í skólastofu og hluti í fjarfundi.

Frá stofnun Fræðslumiðstöðvarinnar hefur verið töluverður kynjahalli á námskeiðum, körlum í óhag. Árið 2023 er hlutfall kynjanna mjög svipað og verið hefur síðustu ár, um tveir þriðju hlutar konur og þriðjungur karlar. Karlar eru í mjög miklum meirihluta þeirra sem sækja réttindanámið, þ.e. smáskipanám og endurmenntun atvinnubílstjóra en konur eru í miklum meirihluta í öllu öðru námi.

Aldursdreifing þátttakenda árið 2023 sveiflast aðeins í átt að yngri þátttakendum samanborið við síðustu ár og er um þriðjungur þeirra innan við 35 ára. Smáskipanámið og íslenskunámskeiðin hafa töluverða áhrif á þessa aldursamsetningu.

Í gegnum tíðina hefur þátttaka á námskeiðum verið langmest á norðanverðum Vestfjörðum, þar sem mannfjöldinn er mestur og framboð náms hefur verið mest. Árið 2023 er engin undantekning. Skipt eftir svæðum þá voru rúmlega tveir þriðju hlutar þátttakenda með skráð lögheimili á norðanverðum Vestfjörðum, 6% í Vesturbyggð og Tálknafirði, 4% á Ströndum og Reykhólum en 22% með skráð lögheimili utan Vestfjarða. Þetta er nánast sama skipting og á síðasta ár.



Mynd 1. Hlutfallsleg skipting þátttakenda eftir búsetu 2023.

Vottaðar námsleiðir

Vottaðar námsleiðir eru kenndar samkvæmt námskrám frá Fræðslumiðstöð atvinnulífsins með stuðningi Fræðslusjóðs og eru ætlaðar fólki sem ekki hefur lokið námi í framhaldsskóla. Árið 2023 voru alls 10 hópar í vottuðum námsleiðum hjá Fræðslumiðstöð Vestfjarða. Flestar námsleiðirnar voru fremur stuttar, um og innan við 60 kennslustundir fyrir utan námsleiðirnar *Íslensk menning og samfélag*, *Sterkari starfskraftur* og *Sölu-, markaðs og rekstrarnám* sem allt eru lengri námskrár.

Námsleið	Hópar
Grunnnámskeið fyrir fiskvinnslufólk	2
Íslensk menning og samfélag	1
Skref til sjálfshjálpar í lestri og ritun	1
Sterkari stafskraftur	1
Sölu-, markaðs- og rekstrarnám	1
Tæknilæsi og tölvufærni	1
Uppléið	2
Velferðartækni	1

Fræðslumiðstöðin hefur um langt árabili haldið *Grunnnámskeið fyrir fiskvinnslufólk* í samstarfi við fiskvinnslufyrirtæki á svæðinu en í kjarasamningum er kveðið á um rétt fiskvinnslufólks til að sækja slík námskeiðið. Tvö fiskvinnslunámskeið voru haldin árið 2023 og voru þau bæði túlkuð á pólsku.


Fræðslumiðstöðin var í samstarfi við Súðavíkurrepp um námskrána *Íslensk menning og samfélag*. Tilgangur námsins er að auðvelda fólki af erlendum uppruna aðlögun að íslenskum vinnumarkaði og samfélagi. Í náminu var lögð áhersla á íslenskt mál, menningu, samfélag og atvinnulíf ásamt því að byggja upp sjálftraust og samskiptafærni. Nokkuð stór hópur fólks tók þátt í náminu að hluta eða heild en alls voru 10 sem kláruðu allt námið.

Skref til sjálfshjálpar í lestri og ritun er nám ætlað einstaklingum með lestrar- og skriftarörðugleika með það að markmiði að auka færni þeirra í lestri og ritun. Námið var kennt fyrir fólk af taílenskum uppruna og valið meðal annars vegna þess að í námskránni er gert ráð fyrir fámennum hópi þannig að hægt sé að fylgja hverjum einstaklingi mjög vel eftir.

Annað árið í röð var boðið upp á námið *Velferðartækni* en það er ætlað þeim sem starfa eða hafa hug á að starfa við velferðarþjónustu og vilja öðlast aukna þekkingu og leikni í að takast á við tækniþróun í geiranum. Námið var fjarkennt og ágætlega sótt.

Tvær námskrár voru kenndar í samstarfi við aðrar símenntunarmiðstöðvar. Annars vegar *Tæknilæsi og tölvufærni* sem var auglýst í samstarfi við Visku í Vestmannaeyjum. Upphaflega átti námið að vera alfarið fjarkennt, en þar sem aðeins einn þátttakandi var frá Vestmannaeyjum og þátttakendur á Ísafirði óskuðu eftir því að fá að mæta í Fræðslumiðstöðina enda það sem stað- og fjarkennt nám. Hins vegar var *Sölu-, markaðs- og rekstrarnám* sem var fjarkennt í samstarfi við Símei á Akureyri. Kenndur var fyrri hluti námsins og skiptust nemendur nokkuð jafnt á milli miðstöðvanna.

Fræðslumiðstöðin á í góðu samstarfi við Vinnumálastofnun um að bjóða upp á nám fyrir atvinnuleitendur. Árið 2023 var boðið upp á *Sterkari starfskraft* sem var alfarið fjarkennt. Einnig voru tveir hópar af *Uppléið*, annars vegar fjarkennt nám fyrir pólskumælandi fólk og hins vegar stað- og fjarkennt á íslensku. Þótt námið hafi verið í samstarfi við Vinnumálastofnun var það opið öðrum og nýttu bæði Virk og Starfsendurhæfing Vestfjarða sér það.



Mynd 2. Fjöldi nemendastunda í vottuðu námi 2019-2023.

Samanlagður fjöldi þátttakenda í vottuðum námsleiðum voru 88 sem er fækkun frá fyrri árum. Nemendastundir reyndust þó aðeins fleiri en árið á undan en nokkuð vantar upp á að ná því sem oft hefur verið. Í lok árs þurfti miðstöðin að skila hluta af því fjármagni sem hún fékk úthlutað til kennslu námskráa, eða um 2,5 milljónum, þar sem eftirspurnin reyndist ekki vera í takti við framboðið.


Réttindanám

Eftir að smáskipanám, bæði skipstjórn og vélstjórn, fór af stað aftur með nýjum námskrám árið 2022 hefur því verið mjög vel tekið hjá fyrirtækjum og einstaklingum svæðinu sem undirstrikar mikilvægi þess að geta boðið upp á slíkt nám á Vestfjörðum. Námið er að mestu fjarkennt en nemendur þurfa að sækja nokkrar staðkenndar lotur á Ísafirði/Patreksfirði og í Reykjavík.

Vorið 2023 luku 17 nemendur skipstjórn, fjórir nemendur luku viðbótarnámi í skipstjórn (höfðu áður lokið gamla náminu en tóku viðbót til að öðlast réttindi í samræmi við nýju námskrána) og níu luku vélstjórnarnámi. Haustið 2023 hófu svo nám 25 nám í skipstjórn og 12 í vélstjórn. Þess má geta að miðstöðin er í samstarfi við Skipstjórnarskóla Tækniskólans um skipstjórnarhluta smáskipanámsins og í samstarfi við Menntaskólann á Ísafirði vegna verklega hlutans í vélgæslunámi.

Fræðslumiðstöðin er með leyfi frá Samgöngustofu til að kenna endurmenntunarnámskeið sem atvinnubílstjórar þurfa að sækja til þess að endurnýja atvinnuréttindi sín. Árið 2023 voru haldin 10 endurmenntunarnámskeið fyrir atvinnubílstjóra, ýmist fjarkennd eða staðkennd.


Annað árið í röð er réttindanámið sá flokkur sem er með langflestar nemendastundir, alls rúmlega 17.800 eða um 43%. Það skýrist að stórum hluta af því hversu langt smáskipanámið er.



Mynd 3. Fjöldi nemendastunda í réttindanámi 2019-2023.

Íslenska sem annað mál


Fræðslumiðstöðin, eins og aðrar símenntunarmiðstöðvar, sækir árlega um fjármagn til íslenskukennslu til Rannís og ræðst fjöldi námskeiða af því hvert framlagið er. Árið 2023 fengust rúmar 5,4 milljónir til niðurgreiðslu á kennslu 36 námskeiða en hvert námskeið eru 30 kennslustundir (20 klukkustundir). Alls sóttu 340 nemendur íslenskunámskeið hjá miðstöðinni og er það lítillega fjölgun frá fyrra ári. Nemendastundum í íslensku hefur fjölgað nokkuð jafnt og þétt undanfarin ár og voru 10.200 árið 2023 sem er rétt tæpur fjórðungur allra nemendastunda hjá Fræðslumiðstöðinni. Flest íslenskunámskeiðin eru staðkennd fyrir utan sérsniðin námskeið fyrir Tailendinga sem miðstöðin hefur boðið upp á undanfarin ár í samstarfi við tvo kennara. Nánast allir nemendur á þeim námskeiðum eiga lögheimili utan Vestfjarða.



Mynd 4. Fjöldi nemendastunda í íslensku fyrir útlendinga 2019-2023.

Almenn námskeið


Til skamms tíma hefur stærstur hluti þátttakenda í námi hjá Fræðslumiðstöðinni verið að sækja almenn námskeið. Í þessum flokki eru bæði tólmstundanámskeið og námskeið sem líta má á sem endurmenntun og starfsþróun. Árið 2023 var hins vegar töluverður samdráttur í þessum flokki, meiri en í nokkrum öðrum flokki náms. Námskeiðin voru 27 (52 árið 2022), samanlagður fjöldi þátttakenda 331 (889 árið 2022) og nemendastundirnar 2.709 í samanburði við 6.257 árið áður. Ýmsar skýringar liggja að baki, þar má t.d. nefna að verkefni sem miðstöðin var í fyrir Fræðagarð og skilaði mjög fjölmönnum námskeiðum árið 2022 hélt ekki áfram auk þess sem starfstengdum námskeiðum sem haldin voru fyrir fyrirtæki á svæðinu fækkaði.



Mynd 5. Fjöldi nemendastunda á almennum námskeiðum 2019-2023.

Fullorðinsfræðsla fatlaðra

Alls voru 15 námskeið/hópar fyrir fólk með fötlun árið 2023, nemendastundirnar á árinu voru 770 og þátttakendurnir 65. Það er nokkur fjölgun frá fyrra ári þegar nemendur voru 59 og nemendastundir 502. Framboð á námskeiðum fyrir fólk með fötlun ræðst af því fjármagni sem miðstöðin fær frá Fjölmennt. Samkvæmt samningnum við Fjölmennt hefur miðstöðin leyfi til að hafa námskeið fyrir mjög fámenna hópa. Með því er hægt að sníða námskeiðin betur að þörfum þátttakenda og bæta þannig þjónustuna við þennan hóp.



Mynd 6. Fjöldi nemendastunda í námi fyrir fólk með fötlun 2019-2023.

Náms- og starfsráðgjöf/hvatningarviðtöl

Hjá Fræðslumiðstöðinni er einn náms- og starfsráðgjafi í hlutastarfi sem sinnir hvatningar- og starfsþróunarsamtölum við ráðþega auk þess að bjóða upp á náms- og starfsráðgjöf. Aðrir ráðgjafar og verkefnastjórar hjá miðstöðinni sinna einnig viðtölum og aðstoða fólk eftir þörfum. Í nokkur ár hefur verið boðið upp á hvatningarviðtöl á pólsku og er það töluvert notað. Ráðgjöf fer fram á starfsstöðvum Fræðslumiðstöðvarinnar, inni á vinnustöðum, í gegnum fjarfund eða síma.

Fyrir árið 2023 var framlag Fræðslusjóðs til náms- og starfsráðgjafar hjá Fræðslumiðstöð Vestfjarða rétt rúmar 6 milljónir og var fjármagnið að mestu nýtt en skil voru 140 þúsund krónur. Heildarfjöldi viðtala hjá Fræðslumiðstöðinni voru 383. Þar af voru 379 viðtöl greidd af Fræðslusjóði en 4 viðtöl voru greidd af öðrum. Um 27% viðtala voru rafræn (sími eða fjarfundur). Tölfræði viðtala er eftirfarandi:

Kyn	
Kona	179
Karl	201
Kynsegin/annað	3
Alls	383

Menntunarstig	
Grunnskóli	122
Framhaldsskóli (hóf nám en lauk ekki)	160
Stúdentspróf	16
Starfsmenntun - minna en tvö ár	39
Starfsmenntun - tvö ár eða meira	22
Iðnmenntun	13
Háskólapróf	11
Alls	383

Aldursbil	
25 ára og yngri	56
26-35 ára	111
36-45 ára	88
46-55 ára	62
56 ára og eldri	66
Alls	383

Viðtalstegund	
Hópráðgjöf	8
Hvatningarviðtal	162
Ráðgjafaviðtal	213
Alls	383

Staða á vinnumarkaði	
Atvinnuleitandi	89
Hlutastarf og hlutabætur	3
Í námi	7
Í starfi	265
Starfsendurhæfing	17
Annað	2
Alls	383

Ástæða viðtals	
Að eigin frumkvæði	209
Boðun í viðtal vegna VMST	32
Eftir kynningu í fyrirtæki eða stofnun	70
Eftirfylgni vegna raunfærnimats	11
Færnimöppugerð	14
Færnimöppugerð v. raunfærnimats	12
Skimun í raunfærnimat	22
Stuðningur í matssamtali	6
Tilvísun frá VIRK	7
Alls	383

Þjóðerni	
Ísland	213
Pólland	94
Aðrar þjóðir	76
Alls	383

Raunfærnimat

Raunfærnimat er ein af stöðunum í starfsemi Fræðslumiðstöðvarinnar. Vinna við raunfærnimat felst í því að kynna matið fyrir mögulegum þátttakendum, veita ráðgjöf og aðstoða við undirbúning matsins, útvega matsaðila, skipuleggja framkvæmd og veita eftirfylgni og ráðgjöf að mati loknu. Árið 2023 bauð Fræðslumiðstöðin upp á raunfærnimat fyrir þjónustubrautir (félagsliða, leikskólaliða og stuðningsfulltrúa), fisktækni (fiskvinnsla og fiskeldi), matartækni og í almennri starfshæfni. Í almennri starfshæfni er ekki metið á móti áföngum í formlega skólakerfinu og því fá þátttakendur engar einingar í því mati.

Alls fóru 24 í gegnum raunfærnimat hjá Fræðslumiðstöð Vestfjarða á árinu og voru metnar einingar alls 1263. Skiptingin á milli greina var eftirfarandi:

Raunfærnimat hjá Fræðslumiðstöð Vestfjarða	Fjöldi þátt.	Konur	Karlar	Fjöldi metinna eininga	Meðaltal metinna eininga	Meðalaldur
Almenn starfshæfni	9	3	6	-	-	44
Þjónustubrautir	3	3		275	92	34
Fisktækni	11	5	6	928	84	44
Matartækni	1		1	60	60	33
Samtals	24	11	13	1263	84	42

Ákveðið var að flytja hluta þess fjármagns sem fékkst til raunfærnimats yfir á næsta ár en raunfærnimatsárið er 18 mánuðir og er því fram á mitt ár 2024.

Þjónusta við atvinnulíf og skóla

Fræðslumiðstöðin leggur áherslu á góð tengsl við fyrirtæki og stofnanir á svæðinu, bæði með því að bjóða upp á starfstengd námskeið og aðra þjónustu eins og Fræðslustjóra að láni. Einnig býður miðstöðin upp á próftöku fyrir nemendur í fjarnámi hjá öðrum fræðslustofnunum.

Fræðslustjóri að láni

Verkefnið *Fræðslustjóri að láni* byggist á að lána mannauðsráðgjafa til fyrirtækja sem er sérhæfður í vinnustaðafræðslu og óformlegri menntun. Ráðgjafinn fer yfir fræðslu- og þjálfunarmál fyrirtækisins, dregur fram það sem vel er gert, gerir eða dýpkar greiningu á þörfum fyrirtækisins og samhæfir við önnur námskeið eða viðurkenndar fræðsluleiðir innan óformlega fræðslukerfisins. Afurð verkefnisins er sérsniðin fræðsluáætlun þar sem búið er að leggja línurnar í fræðslumálum marga mánuði fram í tímann. Ekkert fræðslustjóraverkefni var í gangi árið 2023.

Fræðsla fyrir fyrirtæki og stofnanir

Fræðslumiðstöðin býður fyrirtækjum og stofnunum upp á sérsniðin námskeið. Sá hluti starfseminnar var umfangsminni árið 2023 en oft áður. Haldið var eitt námskeið fyrir starfsfólk leikskóla á norðanverðum og eitt námskeið fyrir sjúkraliða. Þá var haldið eitt íslenskunámskeið fyrir skólaliða. Því til viðbótar voru nokkur skyndihjálparnámskeið fyrir vinnustaði í samstarfi við Rauða krossinn. Í gegnum tíðina hefur miðstöðin átt mjög gott samstarf við fiskvinnslufyrirtæki á svæðinu og voru haldin tvö grunnnámskeið fyrir fiskvinnslufólk á árinu.

Samstarf við Vinnumálastofnun á Vestfjörðum

Fræðslumiðstöðin á gott samstarf við Vinnumálastofnun á Vestfjörðum s.s. í tengslum við ráðgjöf, úrræði og annað sem stofnunin er að leita eftir hverju sinni. Árið 2023 voru þrjú hópar frá Vinnumálastofnun í vottuðum námsleiðum. Til viðbótar við lengra nám var haldið eitt námskeið um gerð ferilskrár auk námskeiðs til undirbúnings raunfærnimats í almennri starfshæfni og mat í framhaldinu. Þar fyrir utan gátu atvinnuleitendur sótt önnur námskeið með stuðningi Vinnumálastofnunar og var það til dæmis nýtt vegna íslenskunámskeiða.

Frístundafiskimenn – samstarf við ferðaþjónustufyrirtæki

Í meira en áratug hefur Fræðslumiðstöðin í samvinnu við ferðaþjónustufyrirtæki og með leyfi Samgöngustofu séð um próf sem lögð eru fyrir erlenda frístundafiskimenn sem koma til Vestfjarða

og hafa ekki nauðsynleg réttindi. Standist þeir prófið fá þeir tilskilin réttindi samkvæmt reglugerð nr. 1005/2010 (með síðari breytingum) um frístundafiskiskip og öryggi þeirra og námsskrá.

Eins og undanfarin ár sá Veigar Gíslason um próftökuna fyrir hönd Fræðslumiðstöðvarinnar. Prófað var á Flateyri og Suðureyri á tímabilinu apríl – september. Próftakar voru alls 51, lang flestir frá Þýskalandi.

Próftaka

Fyrir utan umsjón og aðkomu að prófum fyrir Háskólasetur og frístundafiskimenn hefur Fræðslumiðstöðin séð um próftöku á Ísafirði, Patreksfirði og Hólmavík fyrir einstaklinga í fjarnámi af ýmsu tagi. Meðal fræðsluaðila sem boðið hafa nemendum sínum að nýta þennan kost eru Vinnuvélaskólinn, Vinnueftirlitið, Umhverfisstofnun, Keilir, Tækniskólinn, Mímir, FÁ o.fl. Alls voru 51 sem tóku próf undir þessum lið starfseminnar árið 2023. Auk þess hefur Fræðslumiðstöðin, í umboði Mímis, séð um framkvæmd íslenskuprófa á Ísafirði vegna umsóknar um ríkisborgararétt.

Samstarf við stéttarfélag og starfsmenntasjóði

Fræðslumiðstöðin er með samning við sjóðina Sveitamennt og Ríkismennt þess efnis að það starfsfólk sem vinnur hjá ríki eða sveitafélögum og greiðir til Verkalýðsfélags Vestfirðinga eða Verkalýðs- og sjómannafélags Bolungarvíkur geti sótt starfstengd námskeið sér að kostnaðarlausu, þ.e. sjóðirnir greiða fyrir sitt félagsfólk og Fræðslumiðstöðin sækir námskeiðsgjöldin beint til sjóðanna. Þetta samstarf hefur skipt miklu máli þegar kemur að því að bjóða upp á fræðslu og endurmenntun fyrir starfsfólk sem á aðild að þessum sjóðum.

Í gegnum tíðina hefur Fræðslumiðstöð einnig átt gott samstarf við starfsmenntasjóði annarra stéttarféлага, oftast í formi þess að sjóðirnir greiða þátttökugjöld fyrir sitt fólk á tiltekin námskeið. Á haustmisseri 2023 buðu Kjölur og Sameyki auk Verkalýðsfélags Vestfirðing og Verkalýðs- og sjómannafélag Bolungarvíkur félagsfólki sínu að sækja ákveðin tómstundanámskeið sér að kostnaðarlausu. Með þessu samstarfi er aðgengi að tómstundanámskeiðum aukið og ýtt undir þátttöku og er fullur vilji hjá miðstöðinni til að halda slíku áfram.

Próunarverkefni - samstarfsverkefni

Evrópuverkefni

Starfsfólk Fræðslumiðstöðvar hélt áfram þátttöku í tveimur Evrópuverkefnum sem áður voru komin af stað, annars vegar *Blue mentor* og hins vegar *Projekt Slaskie*.

Blue mentor er leitt af aðilum í Noregi með þátttöku fleiri aðila á Íslandi. Hlutverk Fræðslumiðstöðvarinnar í verkefninu var að skoða stöðu fræðslumála fyrir starfsfólk í fiskeldi og hvernig hægt væri að koma til móts við fræðsluþarfir innan greinarinnar. Vinnan við verkefnið árið 2023 var fyrst og fremst að ganga frá lokaskýrslu í samráði við norsku samstarfsaðilana.

Projekt Slaskie snýr að iðnmenntun og hvernig efla megi markaðssetningu og námsframboð iðnnáms. Þátttakendur eru nokkrar stofnanir frá Slaskie héraði í Póllandi auk Vestfjarðastofu, Fræðslumiðstöðvar og Menntaskólans á Ísafirði. Vinna við verkefnið árið 2023 fólst fyrst og fremst í fundum vegna þróunar pólsku samstafsáðilanna á appi fyrir grunnskólanema sem ætlað er að auðvelda þeim val á iðnnámi. Fyrirhugað var að pólsku aðilarnir kæmu til Ísafjarðar haustið 2023 til þess að prófa appið en af óviðráðanlegum orsökum varð ekkert úr þeirri heimsókn.

Íslenska málfræðihandbókin mín

Fræðslumiðstöðin var í samstarfi við Joanna Majewsk á Flateyri um útgáfu á handbók um íslenska málfræði með pólskum skýringum. Joanna hefur unnið að gerð bókarinnar um langt skeið en árið 2023 tók Fræðslumiðstöðin að sér að sjá um að ganga frá heftinu til útgáfu. Með styrkjum frá sjóðunum Landsmennt, Sveitamennt og Ríkismennt kom *Íslenska málfræðihandbókin mín – Moja podręczna gramatyka języka islandzkiego* út á haustmánuðum 2023.

Gefum íslensku séns - íslenskuvænt samfélag

Gefum íslensku séns - íslenskuvænt samfélag er verkefni sem hefur það markmið að auka vitund fólks um að til þess að ná tökum á tungumáli þurfi að nota það. Verkefnið rekur upphaf sitt til Háskólaaseturs Vestfjarða og Ólafs Kristjánssonar íslenskukennara en Fræðslumiðstöðin er samstarfsaðili. Framlag miðstöðvarinnar á árinu var meðal annars í formi skipulagningar og þátttöku í kynningum á verkefninu og þátttaka í viðburðum á vegum þess, svo sem hraðíslensku og þriðja rýminu.

Samstarf símenntunarmiðstöðva og fullorðinsfræðsluaðila

Fræðslumiðstöð Vestfjarða á aðild að tveimur samtökum, annars vegar Símennt og hins vegar Leikn.

Símennt – samtök fræðslu- og símenntunarmiðstöðva

Símennt eru samtök 11 fræðslu- og símenntunarmiðstöðva. Markmið samtakanna eru m.a. að vinna að símenntun og framhaldsfræðslu á Íslandi, þar sem lögð er áhersla á að efla þekkingu og hæfni einstaklingsins og að auka vitund fyrirtækja og stofnana á mikilvægi símenntunar starfsfólks í krefjandi og síbreytilegu starfsumhverfi.

Símennt heldur tvo fundi á ári, forstöðumannafund að vori og fund sem verkefnastjórar og ráðgjafar geta tekið þátt að hausti. Haustið 2023 var verkefnastjórafundur í Vestamannaeyjum og átti Fræðslumiðstöðin fjóra þátttakendur.

Undanfarin misseri hefur Sædís María Jónatansdóttir setið í stjórn Símenntar og mun gera það fram á árið 2025.

Leikn - Samtök fullorðinsfræðsluaðila á Íslandi

Leikn er sameiginlegur vettvangur aðila í fullorðinsfræðslu á Íslandi og málsvari þeirra gagnvart stjórnvöldum. Tilgangur samtakanna er að efla fræðslu fullorðinna á Íslandi. Samtökin vilja stuðla að virkri umræðu um sí- og endurmenntun, auka upplýsingamiðlun og samskipti og samstarf milli fullorðinsfræðsluaðila og stjórnvalda annars vegar og efla erlend samskipti á sviði fullorðinsfræðslu hins vegar. Þátttaka Fræðslumiðstöðvarinnar í starfsemi Leiknar árið 2023 fólst fyrst og fremst í því að sækja fyrirlestra og fræðsluerindi sem samtökin bjóða upp á í fjarfundi.

Gæðavottun

Tilvist gæðakerfis með áherslu á nám fullorðinna er eitt af skilyrðum þess að teljast viðurkenndur fræðsluaðili í fullorðinsfræðslu. Fræðslumiðstöðin hefur verið með EQM gæðavottun (European Quality Mark) frá árinu 2013. EQM er gagnsætt matsferli fyrir fræðsluaðila til að meta starfshætti

sína út frá viðurkenndum gæðaviðmiðum. EQM tekur mið af gæðum þjónustunnar sem fræðsluaðili veitir, innri gæðastjórnun og verklagsreglum fræðsluaðila og hvernig núverandi starfshættir samræmast viðurkenndum gæðaviðmiðum. Fræðslumiðstöð atvinnulífsins er með samning um EQM-úttektir og á slík úttekt að fara fram reglulega hjá símenntunarmiðstöðvum.

Upphaflega náði vottunin aðeins til náms en nú er raunfærnimat og náms- og starfsráðgjöf einnig undir og kallast kerfið þá EQM+.

Fræðslumiðstöðin fór síðast í gæðaúttekt í október 2022. Gæðavottun er til þriggja ára í senn og er miðstöðin því með vottun til ársins 2025.

Starfsáætlun fyrir árið 2024

Fræðslumiðstöð Vestfjarða hefur sett sér eftirfarandi markmið fyrir starfsemi ársins 2024:

Vottaðar námsleiðir

- Vinna samkvæmt samningi við Fræðslumiðstöð atvinnulífsins vegna kennslu vottaðra námsleiða. Framlög til kennslu vottaðs náms árið 2024 eru 18.650.000 kr.
- Áætlað er að kenna eftirfarandi 10 hópum með að meðaltali rúmlega 10 þátttakendum í hverjum hópi:

Námsleið	Hópar
Að lesa og skrifa á íslensku	3
Fagnám í umönnun fatlaðra	1
Grunnnámskeið fyrir fiskvinnslufólk	2
Uppleið	3
Sterkari starfskraftur	1
Alls	10

Náms- og starfsráðgjöf

- Vinna samkvæmt samningi við Fræðslumiðstöð atvinnulífsins vegna náms- og starfsráðgjafar. Framlag til ráðgjafar á árinu 2024 er 5.870.000 kr.
- Fjöldi viðtala mun fara eftir hvernig skipting verður á milli ráðgjafaviðtala, hvatningaviðtala og hópviðtala.
- Þjóða viðtöl innan fyrirtækja og stofnana.
- Viðtöl og stuðningur vegna raunfærnimats.

Raunfærnimat

- Vinna samkvæmt samningi við Fræðslumiðstöð atvinnulífsins. Framlag til raunfærnimats á árinu 2024 eru samtals 7.348.000 kr. og skiptist þannig á greinar:
 - Almenn starfshæfni
 - Fiskvinnsla og fiskeldi
 - Iðngreinar í samstarf við IÐUNA
 - Þjónustubrautir
 - Matartækni
 - Skipstjórn í samstarfi við Visku
 - Sjúkraliði
 - Rafiðngreinar í samstarfi við Rafmennt
- Kynna raunfærnimat fyrir fyrirtækjum og einstaklingum með heimsóknum og viðtölum.
- Áframhaldandi samstarf við Vinnuálastofnun um raunfærnimat fyrir atvinnuleitendur.

Íslenska sem annað mál

- Kenna 36 námskeið með að lágmarki 10 þátttakendur hvert í samræmi við úthlutun Rannís til íslenskukennslu fyrir árið 2024. Hvert námskeið er 30 kennslustundir.
- Þjóða upp á íslenskunámskeið á stigi 1-3. Námskeið verði í boði á Ísafirði, Patreksfirði, Suðureyri og fjarkennt. Jafnframt að vinna að því að koma á námskeiðum á fleiri stöðum.
- Halda áfram með fjarkennd námskeið fyrir Taíendinga.

Réttindanám

- Ljúka seinni hluta af smáskipanámi (skipstjórn og vélgæslu) sem hófst haustið 2023.
- Hefja nýtt nám haustið 2024 með tvo hópa í skipstjórn og einn hóp í vélgæslu.
- Þjóða upp á endurmenntun fyrir atvinnubílstjórna að vori.
- Endurnýja leyfi frá Samgöngustofu um leyfi til kennslu skipstjórnarnáms fyrir lok nóvember.

Fullorðinsfræðsla fyrir fólk með fötlun

- Þjóða upp á fjölbreytt námskeið sem rúmast innan samnings við Fjölmennt – símenntun og þekkingarsetur um kennslu og þjónustu við fólk með fötlun.

Almenn námskeið / starfstengd námskeið

- Vinna með fyrirtækjum og stofnunum að auknu framboði af starfstengdum námskeiðum.
- Áframhaldandi samstarf við Rauða krossinn um skyndihjálparnámskeið, bæði til fyrirtækja og einstaklinga.
- Áframhaldandi samstarf við starfsmenntasjóði um greiðslu þátttökugjalda á tilteknum námskeiðum.
- Fjölga staðkenndum námskeiðum á Ströndum og sunnanverðum Vestfjörðum.
- Fjölga þátttakendum utan norðanverðra Vestfjarða á námskeiðum.

Þjónusta við fyrirtæki og stofnanir

- Auka áherslu á þjónustu við fyrirtæki og stofnanir varðandi stuðning við fræðslu og þjálfun starfsfólks. Tækin sem miðstöðin hefur eru:
 - Fræðslustjóri að láni þar sem fram fer greining fræðsluþarfa með greiningarkerfinu Fagleg fyrirtækjafræðsla. Verkefni eru styrkt af starfsmenntasjóðum.
 - Fræðsluáætlanir.
 - Sérniðin starfstengd námskeið samkvæmt beiðnum fyrirtækja og stofnana.
 - Almenn starfstengd námskeið.
 - Leiðsögn um hvar er hægt að sækja um styrki vegna fræðslu starfsmanna.
 - Hæfnigreining starfa.

Þróunarverkefni/samstarfsverkefni

- Áframhaldandi þátttaka í verkefninu Gefum íslensku séns, í viðburðum og kynningu. Vinna með Háskólasetri að frekari umgjörð um verkefnið.
- Koma pólska málfræðiheftinu *Íslenska málfræðihandbókin* mín í meiri dreifingu.
- Áframhaldandi vinna við *Projekt Slaskie* verkefnið.
- Sækja um fimm ára aðild að Erasmus+.

Starfsmannamál

- Ganga frá ráðningu starfsmann á sunnanverðum Vestfjörðum.
- Starfsfólk taki þátt í einni ráðstefnu erlendis.
- Starfsfólk taki þátt starfi og fræðslu Símenntar og Leiknar.
- Starfsfólk sækji sér endurmenntun eftir því sem tækifæri gefast.
- Fræðslumiðstöð setji formlega starfsþróunaráætlun fyrir starfsfólk miðstöðvarinnar.

Húsnæði/aðstaða

- Endurnýjun á húsgögnum í kennslustofum.
- Endurnýjun á skjávarpa í a.m.k. einni kennslustofu.

Önnur verkefni

- Endurnýja viðurkenningu fræðsluaðila fyrir lok nóvember 2024.
- Hefja stefnumótun fyrir miðstöðina haustið 2024, ljúka vorið 2025.

Fjárhagsáætlun 2024

Fjárhagsáætlun byggir á þeim starfsmarkmiðum sem Fræðslumiðstöð Vestfjarða hefur sett sér á árinu 2024 og þeim forsendum sem fyrir þeim liggja.

Í upphafi árs 2024 voru fastir starfsmenn 7 í um það bil 4,15 stöðugildum. Miðstöðin mun áfram reka mannaðar starfsstöðvar á Ísafirði og Patreksfirði og leitast við að bjóða upp á þjónustu um alla Vestfirði. Stefnt er að ráðningu í 50% starfshlutfall á Patreksfirði.

Heildartekjur Fræðslumiðstöðvar Vestfjarða árið 2024 eru áætlaðar um 109,9 milljónir og heildargjöld um 108,2 milljónir króna.

Nánari sundurliðun er í meðfylgjandi töflum. Á árinu er stefnt að kaupum á nýjum stólum í kennsluhúsnæðið og stórum tölvuskjá í stað skjávarpa í a.m.k. aðra skólastofuna á Ísafirði.

Tekjur	Raun 2023	Áætlun 2023	Áætlun 2024
Framlög og styrkir			
Rekstrarsamningar vegna framhaldsfræðslu	29.199.996	26.900.000	31.000.000
Styrkir	3.000.000	4.900.000	4.900.000
Styrkir geymdir til næsta árs, breyting	551.061	1.000.000	2.000.000
Samtals	32.751.057	32.800.000	37.900.000
Sí- og endurmenntun			
Framlög frá ríki v. Íslenska f. útlendinga	5.400.000	5.400.000	5.800.000
Framlög frá Fræðslumiðstöð atvinnulífsins	29.127.450	31.900.000	31.800.000
Greitt af þátttakendum	40.141.857	32.500.000	33.000.000
Endurgreiddur brúarkostnaður	1.293.384	1.300.000	1.400.000
	75.962.691	71.100.000	72.000.000
Samtals tekjur	108.713.748	103.900.000	109.900.000
Gjöld			
Laun og launatengd gjöld	(50.505.508)	(51.000.000)	(54.000.000)
Skrifstofu- og stjórnunarkostnaður	(7.384.773)	(10.000.000)	(14.000.000)
Annar rekstrarkostnaður	(9.095.899)	(9.000.000)	(10.000.000)
Verkefna- og námskeiðskostnaður	(26.580.649)	(34.300.000)	(30.000.000)
Fyrningar/afskriftir	(463.667)	(200.000)	(200.000)
	94.030.496	102.500.000	108.200.000
Afkoma fyrir vaxtaliði	14.683.252	1.400.000	1.700.000
Vaxtaliðir	2.112.961		
Hagnaður (tap)	16.796.213		

Lokaorð

Starfsemi Fræðslumiðstöðvar Vestfjarða gekk að mörgu leyti afar vel á árinu 2023. Að veita einstaklingum tækifæri er eitt megin markmiðið með lögum um framhaldsfræðslu og daglegt viðfangsefni okkar sem störfum hjá Fræðslumiðstöð. Markhópur framhaldsfræðslunnar er fólk með stutta formlega menntun. Lög um framhaldsfræðslu eru í endurskoðun og hafa verið um nokkuð langt skeið. Í þeirri endurskoðun er til umræðu að stækka markhóp framhaldsfræðslunnar og bæta í hópinn fólk með fötlun og innflytjendum. Kröfur um lágmarksfjölda í námsleiðir hefur reynst áskorun á svæði Fræðslumiðstöðvar Vestfjarða og því yrði fjölgun í markhópi mikið fagnaðarefni. Það er afar mikilvægt að kröfur um lágmarkfjölda hindri ekki framboð náms og þátttöku í menntun. Fjarnám er nauðsynlegur og mikilvægur valkostur í námi en hentar ekki öllum né í öllu námi.




Líkt og fram kemur hér fyrir ofan hefur Fræðslumiðstöð verið þátttakandi í verkefninu *Gefum íslensku séns* ásamt Háskólasetri Vestfjarða og fleirum. Það verkefni hefur verið hugvekjandi, gróskuríkt og hvetjandi. Það er skemmtilegt að taka þátt í skapandi verkefni þar sem viðfangsefnið er jafn mikilvægt og málvernd íslenskrar tungu og inngilding. Í verkefninu er unnið að því að auka vitund fólks um máltileinkun. Sjónum er bæði beint að málhöfum íslenskrar tungu og þeim sem eru í þeim fasa að tileinka sér málið. Við erum afar stolt af því að á árinu 2023 hlaut verkefnið Evrópumerkið fyrir nýstárlega nálgun í tungumálakennslu frá Rannís.

Hjá Fræðslumiðstöð reynum við að mæta þörfum nærsamfélagsins fyrir menntun, að svara eftirspurn hjá einstaklingum og fyrirtækjum. Við leitumst einnig við að bjóða upp á skemmtileg og fræðandi námskeið um allt og ekkert. Hafið þið hugsað út í það hvað það er nærandi að læra nýja hluta, t.d. á námskeiði eða í námi sem snertir áhugasvið ykkar? Ég tala nú ekki um þegar námskeiðið felur í sér góða og skemmtilega samveru þar sem fólk á í jákvæðum og uppbyggilegum samskiptum. Við þessar aðstæður eiga sér stað félagslegir töfrar!


Að starfa í Fræðslumiðstöð er gefandi og skemmtilegt. Verkefnin eru fjölbreytt og enginn dagur er eins. Að styðja fólk við að vinna með styrkleika og til persónulegs vaxtar er afar þakklátt. Mannauður og reynsla eru megin styrkleikar hjá Fræðslumiðstöð Vestfjarða. Undirrituð vill nota tækifærið og þakka starfsfólki miðstöðvarinnar fyrir vel unnin störf og stjórn fyrir samstarfið á liðnu starfsári. Einnig vil ég þakka fyrirtækjum, stofnunum og einstaklingum fyrir gott og gefandi samstarf á árinu 2023.

Sædís María Jónatansdóttir, framkvæmdastýra


Viðauki – Gröf með upplýsingum úr starfseminni



Fjöldi nemendastunda 2019-2023



Fjöldi nemendastunda eftir námskeiðsflokkum 2023



Hlutfall kynja 2019-2023

